

Kavenan blong Baptaes blong Mi


Wan kavenan i wan promes we yumi mekem wetem Papa long Heven. Ridim abaot tri samting we yumi promes blong mekem taem yumi baptaes. Afta, !raetem abaot wanem yu save mekem blong holemtaet kavenan blong baptaes blong yu!

Oltaem Tingbaot Jisas Kraes

Taem Elena i luk ol narawan oli stap mekem nogud long wan, hem i stap tingbaot wanem we Jisas bae i mekem.

Olsem wanem mi save tingbaot Jisas:

"Oltaem tingbaot hem" (Moronae 4:3).



Tekem long Yu, Nem blong Hem

Nana i talem long ol fren blong hem se hem i blong Jos Ia blong Jisas Kraes blong Ol Lata-dei Sent.

I minim wanem long mi, blong stap tekem nem blong Hem long mi:

"Tekem long [yu], nem blong [Jisas Kraes]" (Moronae 4:3).



Obei Ol Komanmen blong Hem

James i jusum blong no wajem wan vidio wetem ol nogud toktok mo pikja.

Wan komanmen we mi save obei long hem:

"Obei long ol komanmen blong Hem" (Moronae 4:3).



STAP HOLEMTAET KAVENAN BLONG MI

Hemia samfala wei we yu save holemtaet kavenan blong baptaes blong yu.

Helpem Ol Pipol

Akio i helpem smol brata blong hem wetem homwok blong matematik blong hem.

Huia mi save helpem:

"Karem ol hevi samting blong wanwan long yufala, blong mekem se oli nomo hevi" (Mosaea 18:8).



Sakem Sin Taem Yu Mekem Rong

Afta we Isa i talem wan samting we i no kaen long sista blong hem, hem i prea long Papa long Heven. Afta hem i askem sista blong hem blong fogivim hem.

Olsem wanem mi save sakem sin:

"Sakem sin mo bon bakegen" (Alma 5:49).



Kamfotem Ol Narawan

Lucas i visitim fren blong hem we apu man blong hem i ded.

Olsem wanem mi save kamfotem wan man:

"Leftemap tingting blong olgeta we oli nidim fasin blong leftemap tingting" (Mosaea 18:9).



KONFEMESEN BLONG YU

Afta long baptaes blong yu, wan we i holem prishud bae i putum ol han blong hem antap long hed blong yu.

Bae hem i konfemem yu olsem wan memba blong Jos Ia blong Jisas Kraes blong Ol Lata-dei Sent, mo bae hem i blesem yu blong kasem presen we i Tabu Spirit (luk long Doktrin mo Ol Kavenan 33:15).

WANEM WE PAPA LONG HEVEN I PROMESEM LONG YU

Taem yumi bin kasem baptaes mo konfemesen, Papa long Heven i promesem yumi se oltaem, bae yumi gat Spirit blong hem i stap wetem yumi. Tabu Spirit i helpem yumi blong filim lav, kamfot, mo pis blong God. Hem i helpem yumi tu blong filim se Hem i fogivim yumi taem yumi sakem sin.

Yu save lanem moa abaot kavenan blong baptaes blong yu taem yu stap lisin long ol prea blong sakramen evri wik (luk long Doktrin mo Ol Kavenan 20:77, 79).